

Auxilium brachii secularis invocandi &c.

rum, necnon inhabitationis ad illa, & alia in posterum obtinenda, aliisque opportunis juris remediis, appellationis diffugio semoto, compefcendi.

§.7. Et auxilium brachii secularis invocandi, omniaque, & singula alia, quae praedicti Cardinales ad haereses, & in fide hujusmodi errores ad praesens in Republica Christiana ubilibet vigentes, reprimendos, & radicibus extirpandos, necessaria fore cognoverint, & ad officium inquisitionis haereticae pravitate de jure pertinenti faciendi, gerendi, ordinandi, exercendi, & exequendi.

Inquisitores ubi vis locorum deputandi.

§.8. Necnon ad praemissa omnia, & singula in quibusvis Civitatibus, terris, & locis, de quibus eisdem Cardinalibus videbitur, & quoties ipsi Cardinales opus esse cognoverint, alias personas Ecclesiasticas idoneas, literatas, & Deum timentes in Theologia Magistros, seu in altero jurium Doctores, licentiatos, Baccalaueros in aliqua Universitate Studii generalis graduatos, in trigesimo eorum aetatis anno ad minus constitutos, seu Ecclesiarum Cathedralium Canonicos, vel alias dignitate Ecclesiastica praeditos, cum simili aut limitata facultate, substituendi, & subdelegandi, ac eos in toto, vel in parte, simul, vel successive ad eorundem Cardinalium libitum etiam in negociis, & causis per eos tunc inceptis revocandi, & loco ipsorum alios similiter qualificados deputandi, ita tamen, quod praedicti Cardinales, & alii ab eis pro tempore deputati, de absolutionibus, & reconciliationibus reorum, qui ad veritatis lumen redire voluerint, quas nobis expresse referuimus, ac aliis quam haeresis crimen sapientibus delictis, & excessibus, se intrromittere nequeant, plenam, & omnimodam facultatem eisdem auctoritate, & tenore concedimus.

Appellationes ab aliis Inquisitoribus interpositas.

§.9. Et nihilominus auctoritate, & tenore praemissis statuimus, & ordinamus, quod omnes, & singulae appellationes per eos, contra quos vigore praesentium procedi contigerit, a quibuscumque per ipsos Cardinales deputatis pro tempore interponenda, ad eosdem Cardinales devolvi debeant, ipsique Cardinales causas appellationum hujusmodi cum omnibus, & singulis earum incidentibus, dependentibus, emergentibus, annexis, & connexis, audire, cognoscere, & decidere.

Ac in quacumque instantia fuerint, sine debito terminare, ac executioni debite demandare.

In Curia, & extra ei audi, & inhibendi.

§.10. Et tam in causis appellationum hujusmodi, quam alias ad effectum praemissorum omnium, quo opus fuerit, tam in dicta Curia, quam extra eam, & in partibus etiam per edictum publicum, confito summarie, & extrajudicialiter de non tuto ad eos accessu, citare, ac quibus inhibendum fuerit, inhibere, & appellantes simpliciter, vel ad cautelam a quibuscumque excommunicationis, & aliis sententiis, censuris, & poenis Ecclesiasticis in eos latis, absolvent, prout de jure fuerit faciendum. De-

cerentes quaecumque per ipsos Cardinales, seu ab eis deputatos in praemissis quomodolibet pro tempore gesta, plenam roboris firmitatem obtinere, & perpetuo inviolabiliter observari debere.

§.11. Et sic per quoscumque Judices, & Commissarios quavis auctoritate fungentes, sublata eis, & eorum cuilibet, quavis aliter judicandi, & interpretandi facultate, & auctoritate judicari, & desinari debere, nec non irritum, & inane, quidquid secus super his, a quocumque quavis auctoritate scienter, vel ignoranter contigerit attentari.

Clausula subla.

§.12. Non obstantibus felicis recordationis Bonifacii Papae VIII. Praedecessoris nostri, qua cavetur, ne quis extra Civitatem suam, vel Dioecesim nisi in certis casibus, & in illis, ultra unam dietam a fine suae Dioecesis, ad iudicium evocetur, seu ne Judices qui a Sede praedicta deputati fuerint, contra quoscumque procedere, aut aliis vices suas committere presumant, & de duabus dietis in Concilio generali edita, ac aliis constitutionibus, & ordinationibus Apostolicis contrariis quibuscumque, aut si personis praedictis, vel quibusvis aliis communiter, vel divisim ab eadem sit Sede indultum, quod interdicti, suspendi, vel excommunicari, aut extra, vel ultra certa loca, ad iudicium evocari non possint, per literas Apostolicas non facientes plenam, & expressam, ac de verbo ad verbum de indulto hujusmodi mentionem, & quibusvis aliis privilegiis, indulgentiis, & literis Apostolicis, sub quibuscumque tenoribus, & formis quomodolibet concessis, confirmatis, & innovatis, per quae praesentium literarum, & jurisdictionis ipsorum Cardinalium in praemissis executio impediti quomodolibet, vel differri possit, quae quo ad hoc ipsis, aut alicui eorum minime suffragari posse, vel debere decernimus.

Dertario c6. trariorum.

§.13. Nulli ergo omnino hominum liceat, hanc paginam nostrae Constitutionis, deputationis, reservationis, concessionis, statuti, ordinationis, & decreti infringere, &c.

Sanctio penal.

Datum Romae apud S. Marcum, Anno Incarnationis Dominicae 1542. 12. Kalend. Augusti Pontificatus nostri Anno VIII.

D.P. A.VIII. die 21. Julii.

XLI.

Jurisdictio Cardinalis Archipresbyteri, & Judicis causarum Capituli Canonicoe, & aliarum personarum Ecclesiae S. Petri Principis Apostolorum de Urbe, vel eorum interesse concernentium.

Hanc jurisdictionem ampliavit Sixtus V. Constitutione Cum ex debito; ideo praetermissi aliam Bullam Pii IV. editam die 22. Septemb. 1556. quae istam confirmabat.

PAULUS PAPA III.

Motu proprio &c.

CUM Dilectus filius Alexander S. Laurentii in Damaso Diaconus Cardinalis Parnensis. Mariae Ma-

Hic Pontifex Archipresbytero Ecclesiae Parnensis. Mariae Ma-

1542. joris, jurisdictionem de dicit de qua sup. in Constit. Cum scit.

Farnesius, S. R. E. Vice-Cancellarius, secundum carnem Nepos noster, Archipresbyteratum Principis Apostolorum de Urbe tunc certo modo, vacan. assecutus fuerit, & Nos eidem Alexandro dum alias Archipresbyteratum S. Mariae Majoris de Urbe obtineret, ne Canonici, & Capitulum, ac Cappellani dictae Ecclesiae S. Mariae Majoris, pro rebus, & negotiis suis, & dictae Ecclesiae coram diversis Urbis Judicibus litigare, & conveniri contingeret, ac laboribus, & expensis fatigaretur, omnes, & singulas causas, tunc praesentes, & futuras, tam contra quascumque personas, quovis nomine nuncupatas, Collegium, Capitulum, & Universitatem motas, & moven. etiam civiles, & criminales etiam super quibuscumque pecuniarum summis, censibus, canonibus, responsionibus, etiam instrumentales, etiam ex obligationibus in ampliori forma Camerae Apostolicae orientes, coram quibuscumque Urbis Judicibus, S. R. E. Cardinalibus, & Rotae Auditoribus ad Nos advocan. illas praedicto Alexandro Cardinali, etiam similiter summarie, simpliciter, & de plano, sine strepitu, & figura Judicii sola facti veritate inspecta, & quatenus opus esset extrajudicialiter audien. & deciden. commississemus, prout in aliis diversis rescriptis, etiam Motu proprio &c. manu nostra signatis, quas illorum tenores totos, & compendia, ac si de verbo ad verbum praesenti inserta forent, pro sufficienter expressis, & insertis haberi volumus, ipseque Alexander Cardinalis, & Archipresbyter, in dicta Basilica Venerabilem Fratrem nostrum Franciscum Sfondratum Vicarium suum constituerit, & deputaverit.

Eandem modo tribuit Archipresbytero S. Petri.

§.1. Nos qui dictam Basilicam S. Petri, & illius Canonicos, Beneficiatos, & Clericos, & dictae Basilicae proprios Cappellanos, ac alios in eadem Basilica deservien. non minori dilectione quam praedictam Basilicam S. Mariae Majoris prosequimur, paremque, etiam respectum ad id dictum Alexandrum Cardinalem, & Archipresbyterum habent. omnes, & singulas jurisdictiones, potestates, auctoritates, & facultates, sibi alias tamquam de Basilica S. Mariae Majoris Archipresbytero concessas ad eundem Alexandrum Cardinalem ad praesens Basilicae praedictae Archipresbyterum suosque in dicta Basilica Successores extendimus, & ampliamus.

Imo de novo concedit.

§.2. Et nihilominus motu, & scientiam similibus, omnes, & singulas causas etiam Beneficiales, prophanas, & mixtas, & compromissas, tam civiles, quam criminales, inter dictos Canonicos, & Capitulum, ac Beneficiatos, & Clericos, atque Cappellanos respective, seu quemcumque eorum una, & quascumque personas alias, Loca, Collegia, vel Universitates, quae inter dictos Capitulum, & Canonicos, vel eorum quemlibet, & Beneficiatos Clericos, seu Cappellanos praefatos, vel quemcumque eorum coram quibuscumque Judicibus ordinariis, Commissariis, & executoribus, etiam S. R. E. Cardinalibus, & Rotae Audito-

ribus, & Locaten. super quibuscumque rebus, bonis, & pecuniarum summis verten. & penden. partibus ex altera respective ad Nos praesentes avocan. illamque, & illas in statu, & terminis, in quibus ad praesens reperiuntur, & quas in futurum moveri etiam de novo contigerit, tam active, quam passive, per Priores, Canonicos, Cappellanos, seu eorum quemlibet Beneficiatos Clericos contra quascumque personas quovis nomine nuncupatos Collegium, Capitulum, & Universitatem, Societates, Hospitalia, & Loca quaecumque quantumcumque respective privilegiatos, & privilegiata, etiam per praedictos Canonicos, & Capitulum contra Beneficiatos, Clericos, Cappellanos praedictos, super quibuscumque pecuniarum summis, Beneficiis Ecclesiasticis, censibus, responsionibus etiam vinearum, rebusque, & bonis ad quacumque summam pecuniarum, numerum, quantitatem, & valorem ascenden. rebusque aliis in actis cause, & causarum hujusmodi latus deductis, & deducen. & illorum occasione, cum omnibus, & singulis suis incident. depen. emergent. annexis, & connexis, eidem Alexandro Archipresbytero, & praefato Vicario, necnon ejusdem Alexandri Successoribus, summarie simpliciter, & de plano, sine strepitu, & figura Judicii, sola facti veritate inspecta, & quatenus opus sit, executive, etiam manu regia, absque terminis substantialibus, & alicujus tele judicariae observatione, sine confessione registri, sive extractis, quacumque appellatione postposita, etiam non frivola, audien. cognoscen., deciden. sineque debito terminan. tenore praesentium de novo committimus, & mandamus perpetuis temporibus duraturarum.

§.3. Cum potestate dictas partes respective, & omnes alios, quos opus sit, & sua communiter, vel divisim interesse putan. in executione citationum nominan. in Romana Curia, & extra eam etiam per edictum publicum confito summarie, & extrajudicialiter de non tuto accessu, citandi, ac eisdem omnibus, & singulis Judicibus supra dictis, & quibus, & quoties opus fuerit, etiam sub censuris Ecclesiasticis, & pecuniariis poenis suo arbitrio edictum inhiben., & in eventum non partitionis, poenas, & censuras praedictas damnabiliter incurrisse, & incidisse declarandi, aggravandi, reaggravandi, interdicen., & brachii secularis auxilium invocan. loco, vel sententiae, seu sententiarum prolatarum, mandatum, & mandata executiva in forma solita, & consueti decernendi, illudque, vel illa, & quicquid per eos, vel alterum vestrum, judicatum fuerit exequendi, expensas quascumque taxandi, moderandi, in causisque, & omnibus, & singulis praedictis, vel eorum quolibet, seu quolibet praemissorum, etiam singulis diebus, & horis praeterquam in honorem Dei feriatas procedendi.

Cum potestate citandi in Curia, & extra &c.

§.4. Necnon Canonicos, & Capitulum, ac Beneficiatos Clericos, & Cappellanos pra-

Juramentum personarum d. Basilicae pra-

1542. licet ad effectum agendi &c. relataxiandi.

Quibuscumque non obstantibus.

Per te subscripsit.

Declaratio jurisdictionis.

Pub. P. A. IX. die 1. Nov.

prædictos, sive eorum quemlibet a vinculo juramenti ad effectum agendi, aliisque censuris Ecclesiasticis, & poenis quatenus oportuerit, absolven. omniaque alia, & singula faciendi, gerendi, & exercendi in præmissis necessaria, seu quomodolibet opportuna.

§.5. Non obstantibus Constitutionibus, & Ordinationibus Apostolicis, stylo Palatii, regula Cancellariæ Apostolicæ prohibentis mandata executiva, alias quam sub plumbo expediti non possint, facultatibus, & jurisdictionibus Cardinalibus, & quibuscumque Urbis Judicibus, sub quavis verborum forma, & regula urgentissimis, per Nos eisdem concessis, & innovatis, quas etiam, & illarum tenores, ac si de verbo ad verbum, specialis mentio facta foret, pro expressis habent, ceterisque contrariis quibuscumque. Statum &c. & merita causa, & causarum prædictarum, nominaque, & cognomina, qualitates partium, & personarum prædictarum, necnon rerum Collegii, & Capituli &c. præmissorumque omnium singulorum, ac aliorum de necessitate exprimentes, tenores pro insertis, & sufficienter expressis habent. Et quod præsentium sola signatura sufficiat, & ubique fidem faciat.

Fiat Motu proprio. A. Et quod præsentis Motus proprii sola signatura sufficiat, & ubique in Judicio, & extra, fidem faciat, regula contraria edita non obstant. & de extensione, & nova commissione, & mandato prædictis, ad vitam prædicti Reverendissimi Alexandri, seu quamdiu Archipresbyteratum Basilicæ Sancti Petri obtinerit tantum.

§.6. Et quoad causas criminales, citra tamen poenam sanguinis, & corporum afflictivam. Et quo ad causas pendentes inter alias quam ipsius Basilicæ personas, pro rebus Canonicos, & Capitulum, ac Beneficiatos S. Petri hujusmodi tamen. dumtaxat.

Datum Romæ apud S. Petrum Kalend. Novemb. Anno IX.

XLIII.

Jurisdictio, & facultates Vicarii Summi Pontificis, in Alma Urbe, ejusque districtu.

De hac jurisdictione, aliquid vide supra in Constitutione I. Pauli II. Licet Tom. III. Par. III. fol. 117. & Constit. XXXV. Julii III. Decet ibid. fol. 333. Et circa lites movendas ab uxoribus contra maritos, habes hic infra in Constitutione Cum sicut. Quo vero ad causas Hebræorum, necnon & Clericorum, ac obligationum in forma Camera declarata est hæc jurisdictione a Julio III. infra in Constitutione Cum sicut, & a Pio V. in Constitutione Considerantes, & a Clemente VIII. in Constitutione In conferendis, & postremo a Paulo V. in Constitutione Universi §.4. & 7.

Habet etiam Vicarius cognitionem causarum Puellarum Desperatarum nuncupatarum, in Urbe, ex Bulla Clementis VIII. Debitum. Necnon Casuarum Hospitalis

S. Spiritus, ut in dicti Clementis Constitutione Cum sicut, & pariter Casuarum Collegii Scholarum S. Hieronymi ex Bulla Pauli V. Altitudo.

PAULUS EPISCOPUS SERVUS SERVORUM DEI

Venerabili Fratri Philippo Episcopo Burgi S. Sepulchri, in nostra Urbe, ac ejus suburbii, & districtu nostro in spiritualibus Vicario, Salutem, & Apostolicam Benedictionem.

Licet Ecclesiarum omnium universalis cura, & populi Christiani regimen, ad vigilantiam Nos inducat, Romana tamen Urbs inclita, quam caput Orbis divina clementia stabilivit, mentem nostram sollicitat, ut de ipsius Ecclesiarum statu prospero, & salubri, attentius, & diligentius ita procuremus, ut spiritualiter, & temporaliter felicioribus successibus congruum suscipiant incrementum.

§.1. De tua ergo laudabili vita, morum gravitate, probata fide, & circumspectione, aliisque virtutum donis, quibus personam tuam etiam familiari experientia præditam esse jam dudum etiam in magnis Alma Urbis nostre gubernio, ac Fabrica Basilicæ Principis Apostolorum de Urbe negotiis, & arduis causis tibi commissis percepimus firmam in Domino spem gerentes, & sperantes, quod ea, quæ tibi committenda duxerimus, prudenter, & fideliter exqueris, Motu proprio, non ad tuam, vel alterius pro te Nobis super hoc oblata petitionis instantiam, sed de nostra mera liberalitate, & ex certa scientia, Te qui etiam Cappellanus Prælatum domesticum, & in utraque Signatura Referendarius noster, ac ad eandem Basilicam per Nos Deputatus existis, necnon unum ex officiis scriptoriae litterarum Apostolicarum ex indulto Apostolico obtines, in præfata Urbe, ejusque Suburbii, & districtu Vicarium nostrum in spiritualibus quamdiu vixeris, cum honoribus, oneribus, redditibus, & emolumentis consuetis, auctoritate Apostolica tenore præsentium constituimus, & deputamus.

§.2. Tibique omnia, & singula Ecclesias, Monasteria etiam Monialium, & alia loca Ecclesiastica secularia, & regularia, Ordinum quorumcumque Urbis, & ejus districtus, & Religiosos quoscumque utriusque sexus in illis commorantes, & ad dictam Urbem confluentes pro tempore, ac etiam Ecclesias S. Anastasii, & Sebastiani, S. Pauli, & ad Tres Fontes, S. Agnetis, S. Laurentii, & S. Sabbæ, ac alia Monasteria quæcumque exempta, & non exempta eorumque personas visitandi, ac in capite, & membris reformandi, necnon earum, & cujuscumque ipsarum excessus, & crimina multandi, corrigendi, & puniendi, prout secundum Deum videris expedire. Necnon adificia, quæ in Ecclesiis per te visitandis videbis ruinis supposita, auctoritate propria demolendi, & demoliri faciendi, & Recto-

Exordium.

Deputatio Vicarii cum facultatibus.

Monasteria, & Religiosos visitandi, & coercendi.

res

1542.

Causas 60. fol. & mercedum summarie, & alias juxta stylum Curie, & commissarias juxta commissarios cognoscendi.

Appellatione a quinque infra reiciendi.

Causas miserabilium, & alias non exced. due. 60. summarie cognoscendi.

Moratorias in eis denegandi.

Carceres visitandi.

Judiciorum casualis, & alias judicandi.

res ad Ecclesiarum reparationem per fructuum subtractionem, vel alias prout tibi videbitur, cogendi, multasque ipsas; prout etiam tibi videbitur, moderandi, & Camera Apostolicæ applicandi.

§.3. Ac causas civiles, & ordinarias, eas videlicet in quibus non agitur de majori summa redditus sexaginta florenorum auri de Camera, aut illius summe valoris extinctionem communem non excedente, etiam de locatione, & evacuatione, ac pensione, responsione, & devolutione Casularum, prædiorum, & domorum, ac ratione vinearum, & mercedibus etiam cujuscumque summe, & valoris existant summarie, simpliciter, & de plano, sine strepitu judicii, sola facti veritate inspecta cum aliquali petitione verbalis, apud acta tamen redacta, seu per viam monitorii, nullis terminis servatis, etiam qui de stylo, seu ordinatione d. Palatii Apost. servari soliti sunt; Alias vero more solito, & juxta stylum, & consuetudinem Curie officii Vicariat. hujusmodi. Ac alias Commiss. juxta illarum commissionum tenores, & formas. Ac etiam crimin. per te, vel per te pro tempore deputatum Auditorem audiendi, decidendi, & sine debito terminandi.

§.4. Hoc etiam adjecto ad lites abbreviandum, & partes a laboribus, & expensis relevandum, quod a processibus, & sententiis a quinque ducatis infra, auditis, & intellectis partibus, & cujuscumque ipsarum juribus, in principali negotio non possit per aliquem quomodolibet appellari, seu de nullitate dici, & appellatione, & nullitate prædictis, ac omnibus aliis inde secutis non obstantibus, servatis aliis servandis ad executionem dictarum sententiarum libere procedere possis.

§.5. Necnon omnes, & singulas causas alimentorum, & alias miserabilium personarum, ac etiam aliorum quorumcumque, quæ non excedunt summam sexaginta ducatorum auri de Camera summarie, simpliciter, & de plano, sola facti veritate inspecta, manu regia, sine confessione registri, sicut tibi visum fuerit, cognoscendi, judicandi, & sine debito terminandi.

§.6. Dilaciones moratorias quascumque etiam quinquennales, in causis mercedum, & alimentorum, censuum, pensionum, responsionum, & in causis miserabilium personarum, viduarum, pupillarum, Ecclesiarum, & piorum locorum, ac obligationum juratoriarum reiciendi, & illis reiectis (nisi causa cognita concessa fuerint, aut aliter a Nobis Motu proprio, & ex certa scientia rescriptum fuerit) debitores ad solvendum remediis opportunis, etiam per censuras Ecclesiasticas, vel via executiva, prout tibi videbitur, compellendi.

§.7. Carceres quoque visitandi, votum dandi, ac de carceratorum liberatione, vel condemnatione, ac pecuniarum solutionem, cum ceteris visitantibus statuendi, & ordinandi.

§.8. Judæos omnes, etiam usurarios, bancarios, quoscumque Clericos, & Benefi-

ciatos Urbis, ac ejus districtus, religiosos etiam mendicantes, ac regulares omnes utriusque sexus, Fratritates etiam laicorum, Hospitalarios, omnesque in Ecclesiis, & Monasteriis Beneficiatos, ac deservientes, eorumque omnium res, & bona judicandi, & tam civiliter, quam criminaliter coercendi, & puniendi.

§.9. Usurarum excessus etiam dictis Judæis toleratos ad honestissimum modum reducendi, Matrimoniorum causas, omnesque alias, quæ de jure ad Vicarium nostrum dignoscuntur pertinere, audiendi, & sine debito terminandi.

§.10. Synodum in Romano Clero pro correctione malorum morum, & pro necessitate, juxta temporum opportunitates, in Clero occurrentes, ubi & quando libuerit, celebrandi, & congregandi; Statuta, & ordinationes pro tempore observanda edendi.

§.11. Necnon per te, vel aliquem catholicum antistitem, gratiam, & communionem Apost. Sedis habentem, quem ad hoc, cum opus fuerit, duxeris eligendum, & deputandum, ordines conferendi temporibus jure statutis, ac alia Ecclesiastica sacramenta.

§.12. Ecclesias Urbis, ac illius districtus prædictorum, illorumque Cœmeteria consecrandi, ac polluta (aqua tamen prius per te, vel eundem, vel alium antistitem, similes communionem, & gratiam habentes, benedicta) reconciliandi.

§.13. Ac eos qui festivis diebus vetita a jure exercitia fecerint, compescendi, & puniendi.

§.14. Blasphematores, usurarios; Judæos, perjuros, & quoscumque alios committentes crimen, quod ad Ecclesiasticum forum, & ad Curiam, & jurisdictionem Vicarii nostri etiam juxta facultates tibi, & Prædecessoribus tuis concessas, simpliciter, vel mixtum de jure, vel consuetudine, seu statuto pertineat, non obstantibus quibuscumque significationibus ab aliis Judicibus factis, seu faciendis, cognoscendi, & puniendi.

§.15. Ac tam pro vasis, vestibus, tunnicellis, planetis, & similibus, quæ de necessitate ad divinum honorem requirentur, tam pro ordinibus sacris celebrandis, quam pro sustentatione Episcopi ordinantis, ministrorumque ejus, ac Notariorum qui, ut accepimus, pro sigillo nihil accipiunt, saltem pro meris laboribus persolvendis, & aliis, quæ de necessitate ad curam, & regimen tui officii fieri debere videbuntur, de poenis in dicta Curia disponendi.

§.16. Omniaque alia, & singula faciendi, gerendi, disponendi, ordinandi, mandandi, & exequendi, quæ ad hujusmodi Vicariatus officium de jure, vel consuetudine, aut alias quomodolibet pertinere dignoscuntur, & quæ omnes alii Vicarii Urbis de jure, consuetudine, vel privilegio, facere, dicere, & ordinare poterunt.

§.17. Necnon contraditores, & facultati potestatique tue hujusmodi contraven-

Usurarios, & alias causas judicandi.

Synodum congregandi.

Ordines conferendi.

Ecclesias consecrandi.

Festivis diebus vetita exercitia puniendi.

Blasphematores, & alios coercendi.

Pœnas pro operibus applicandi.

Contra officium exequendi.

Inobedentes coercendi.

Causas civiles, & criminales hic indicantur cognoscendi.

nientes, & illam perturbantes, ac rebelles quoscunque quavis auctoritate fungentes, per Ecclesiasticas, & alias pecuniarias poenas tuo arbitrio infligendas, & moderandas, etiam per represalias, ubi, & quando opus fuerit, correctionemque personalem juris remedio opportuno, appellatione postposita, compescendo, plenam liberam, & omnimodam, auctoritate Apostolica tenore presentium facultatem concedimus.

§.18. Et insuper qui, ut accepimus, huiusmodi Vicariatus officii vigore Vicario pro tempore existenti, tam in Civilibus, quam in Criminalibus, Clericorum Urbis, & ejus districtus matrimoniorum spiritualium, illorumque connexorum, Judaeorum quoque ac Hospitalium, & Hospitaliorum, necnon Confraternitatum laicorum quorumcumque, ac Collegiorum Ecclesiasticorum, & aliorum quorumvis, etiam forensium, ac quorumcumque in quibuscumque Ecclesiis, monasteriis, & Capellis Urbis praedictae deservientium, & residentium, locorum piorum, & Religiosorum quorumcumque, utriusque sexus, Fratrum, Monachorum etiam Mendicantium quorumcumque tam in dicta Urbe commorantium, quam ad illam pro tempore confluentium causis jurisdictione attributa fuerit. Nihilominus super praemissis, seu aliquibus eorum per Governatorem, necnon Senatorem Urbis, ac Auditorem, Causarum Curiae Camerae Apostolicae generalem, Conservatores Camerae Urbis, & diversos alios Judices, & officiales pro tempore existentes, dictum Vicariatus officium pro tempore obtinentes, quam saepe nonnullarum, ut ipsi asserunt, per Sedem Apostolicam eis concessarum literarum praetextu, perturbati, & impediti contigit, & aliquas ex huiusmodi causis ad se appropriare nituntur, in gravem dicti Vicariatus officii iacturam, ac damnum, Nos iis occurrere, & obviare, ac dicti Vicariatus officii indennitati providere volentes, Motu simili in praemissis, etiam active, & passive, tibi, & pro tempore existenti Vicario jurisdictionem huiusmodi hastenus semper competuisse, & competere.

Alienationes quoque, & permutaciones de bonis Ecclesiasticis.

§.19. Ac te in singulis venditionis, permutacionis, & alienacionis rerum, & bonorum Ecclesiasticorum causis, etiam per supplicationem Apostolicam commissis, & committendis, tam in Urbe, quam illius districtu praedictis, iudicem, & executorem, quamdiu vixeris, fore, & esse; Ac venditiones, permutaciones, & alienaciones huiusmodi sine cognitione, & approbatione tua, pro tempore factas, minime valere, decernimus, & declaramus.

Vicarius in his causis iudex est ordinarius.

§.20. Ac pro potiori cautela te, successoresque tuos in dicto Vicariatus officio Vicarios in praemissis causis, & circa praemissa competentem iudicem, quamdiu vixeris, ut praefertur, constituimus, & deputamus. Et in eventum, in quem per Nos, vel Sedem praedictam huiusmodi tua jurisdictione in praemissis per praerogationem, vel alias, tibi diminuta, & abdicata, ac illa praefatis Governatori, aut Senatori, vel Auditori, Con-

servatoribus, & quibuscumque aliis Iudicibus, & Officialibus, quacumque auctoritate fungentibus attributa fuisset, ex nunc illam Motu simili restituimus, & plenarie reintegramus. Acomnes, & singulos processus, & sententias, quos, & quas in Governatore, vel Senatore, seu Auditore, Conservatore, seu quoscumque Iudices, & Officiales praefatos, in praerogationem attributa, & concessa tibi jurisdictionis praedictae, haberi, vel promulgari contigerit, nullos, & nullas, nulliusque roboris, vel momenti fore, & esse. Ac res, & personas, sub tua, & tui Vicariatus officii jurisdictione constitutas, alicui alteri Iudici quacumque auctoritate etiam Cardinalatus honore fulgenti, ex quacumque occasione, causa, vel contractu sub quavis forma celebrato, minime subesse, nec subici posse. Et ita per quoscumque Iudices etiam causarum dicti Palatii Apostolici Auditores, & S. R. E. Cardinales interpretari, sententiarum, & declarari debere, sublata eis, & cuilibet ipsorum quavis aliter interpretandi, sententiandi, & iudicandi facultate, & auctoritate; Ac quidquid fecus super his a quoquam, quavis auctoritate scienter, vel ignoranter contigerit attentari, irritum, & inane, eisdem motu, & scientia decernimus; & statuimus per praesentes.

Quibuscumque non obstantibus.

§.21. Non obstantibus Constitutionibus, & Ordinationibus Apostolicis, necnon quibuscumque privilegiis, indultis, & literis Apostolicis super praemissis in praerogationem dictae, ut praemittitur, per Nos tibi attributa jurisdictionis, aut coactionis eisdem Governatori, Senatori, Auditori, Conservatoribus, & aliis Iudicibus, & Officialibus praefatis, ac quibuscumque aliis personis, sub jurisdictione Vicariatus huiusmodi existentibus, in genere, vel in specie, sub quibuscumque tenoribus, & formis, per Nos, aut Praedecessores nostros, & Sedem praefatam concessis, approbatis, & innovatis, quibus omnibus etiam si de illis, eorumque totis tenoribus, pro illorum sufficienti derogatione specifica, & expressa, ac individua, non autem per clausulas generales idem importantes, sed de verbo ad verbum habenda mentio foret, eorum tenores pro sufficienter expressis habentes, harum serie specialiter, & expresse, motu simili derogamus, & aliis praemissis, ac Constitutionibus, & Ordinationibus Apostolicis, contrariis quibuscumque. Aut si aliquibus personis, aut Ecclesiis, Monasteriis, vel Ordinibus, aut quibuscumque aliis a praedicta sit Sede indultum quod capi, detineri, & interdici, suspendi, & excommunicari, aut visitari non possint, per literas Apostolicas non facientes plenam, & expressam, ac de verbo ad verbum de indulto huiusmodi mentionem, & quibuslibet aliis privilegiis, indultis, & literis Apostolicis, generalibus, vel specialibus quorumcumque tenoribus existant, & nostra propria manu non fuerint subscripta, per quae praesentibus non expressa, vel totaliter non inserta, effectus earum impediti valeat quomodolibet, vel differri, & de quibus, quorumque totis

Illique omnes in praedictis obediant.

Iusto officio sollicite admittandi.

D. P. An. IX. die 3. Nov.

totis tenoribus de verbo ad verbum habenda sit in nostris literis mentio specialis, qua quo ad praemissa cuiquam nolumus aliquatenus suffragari. Irritum quoque, & inane quidquid contra praemissa, vel aliquod praemissorum attentari contigerit, decernentes.

§.22. Et ut officium praedictum melius, & liberius profectui valeas, mandamus omnibus, & singulis, ad quos spectat, cuiuscumque dignitatis, status, gradus, ordinis, vel conditionis existant, quatenus tibi in exequendis iis, quae ad officium tuum praedictum pertinere dignoscuntur, omnibus possibilibus auxiliis, consiliis, ac favoribus opportunis assistant, tibi que pariter obediant prout Nobis.

§.23. Quocirca discretioni tuae per Apostolica scripta motu simili mandamus, quatenus officium Vicariatus huiusmodi devote suscipiens, illud sic prudenter, sollicite, & fideliter exequaris, quod exinde optati fructus proveniant quos speramus, tuque praeter aeternae retributionis praemium, nostram, & dictae Sedis benedictionem, & gratiam uberius consequi merearis.

Dat. Anno Incarnationis Dominae, Pontificatus nostri Anno IX.

XLIV.

Institutio Hospitalis, & Monasterii in Urbe, pro Neophytis Cathecumenis, Iudeisque & infidelibus ad Catholicam Fidem convertentibus. Et erectio Archiconfraternitatis pro eorum regimine; Jurisdictioneque S. R. E. Cardinalis Protectoris, & Iudicis causarum, eorum interesse concernentium.

Huiusmodi infidelibus se convertentibus ubique locorum, indulta, & privilegia huiusmodi Pontifex largitus est, ordinationesque circa eorum vivendum praefavit sup. in Const. XXXVIII. Cupientes, fol. 204. Et pro virginibus Neophytis, d. Monasterium in Urbe edificari iussit Pius IV. & illud Pius V. transulit ad Ecclesiam S. Basilii in regione Montium.

PAULUS EPISCOPUS SERVUS SERVORUM DEI

Ad perpetuam rei memoriam.

Procurium.

Illius, qui pro Domini gregis redemptione in Ara crucis in pretium immolari non erubuit, quique post ejus mortem, & a mortuis resurrectionem, praordinatis testibus saepe saepius apparens, tandem ascensus ad patrem, suos nolens discipulos relinquere orphanos, Spiritus Sancti paracliti consolatione visitavit, & eos Hospitalales ad invicem fore debere, caritatisque dona, quae omnes alias virtutes superat, exorare praecerat; Nos quamquam immeriti vices in terris gerentes, quamvis ex debito pastoralis officii mens nostra, rerum pro tempore ingruentium occasione, ad multiplices cogitatus se divertat, incessanter curis affligitur Bull. Rom. Tom. IV. Par. I.

mur assiduis, ut Iudaei, & infideles ex eorum Hebraica caecitate ad veri luminis agnitionem converti, ac conversi in Catholica Fide instrui, & ad id Hospitalia, deputataque loca ad salubrem statum, & Hospitalitatis observantiam provenire valeant, & ut ad praemissa cunctorum Christianissimorum vota concurrant, fideles ipsos per Confraternitatis spiritualis tamquam membra suo capiti adherentia, nexum quibusdam spiritualibus, & allecituris muneribus profectui, ut exinde gratiae divinae reddantur aptiores.

Petio facultatis erigendi Hospitalis, & Monasterium pro Iudaeis conversis.

§.1. Sane pro parte dilecti filii Joannis de Jorano Rectoris Parochialis Ecclesiae S. Joannis de Mercato Regionis Campitelli de Urbe, Nobis nuper exhibita petio continebat, quod cum ad omnipotentis Dei, & totius curiae coelestis laudem, & gloriam, & orthodoxae fidei exaltationem, ac augmentum nonnulli Hebraei, seu Iudaei divinitus inspirati, tenebrosam caecitatem, qua tunc detinebantur, abjecerint, & ad veri luminis agnitionem se converterint, ac lavacro baptismatis baptizati fuerint, & ob diversam munera, & gratias ex Sede Apostolica benigne eis concessa, quamplurimi alii Hebraei, & Iudaei simili desiderio accensi eandem caecitatem abiicere, & ipsum verum lumen agnoscere cupiant, & in dicta Urbe nullus locus existat, in quo ipsi Iudaei, & infideles ex Judaica caecitate ad fidem Christi conversi recipi possint, pro parte dicti Joannis Nobis fuit humiliter supplicatum, ut sibi prope dictam Ecclesiam unum Monasterium, pro puellis, & unum Hospitalis pro viris Iudaeis conversis construi faciendi licentiam concedere, ac alias in praemissis opportune providere de benignitate Apostolica dignemur.

Concessio dictae facultatis.

§.2. Nos igitur temporibus nostris tantam gratiam ab Altissimo divino miraculo Nobis, meritis licet imparibus, allatam fuisse reputantes, ac desuper eas, quas valemus, gratias eidem Altissimo agentes, ac de fide, & integritate, necnon bonorum operum zelo praefati Joannis in Domino plurimum confidentes, huiusmodi supplicationibus inclinati, praefato Joanni facultatem erigendi Monasterium, & Hospitalis prope dictam Ecclesiam in loco ad id designato, unum Monasterium pro puellis, & unum Hospitalis, sub S. Joseph, seu alia de qua eidem Joanni videbitur invocatione, pro viris Iudaeis, ac infidelibus quibuscumque volentibus se sponte, & libere ad eandem fidem convertere, in quibus recipi, & caritative tractari possint, ex bonis eidem Joanni a Deo collatis, ac Christianissimorum elemosynis ad id concessis, & concedendis construendi, & edificari faciendi, auctoritate Apostolica tenore praesentium, ex certa nostra scientia de Apostolica potestatis plenitudine licentiam, & facultatem concedimus. Illaque postquam constructa fuerint in Monasterium, & Hospitalis eorumdem Iudaeorum conversorum, sine alicujus praedictio, perpetuo erigimus, & instituiimus, illisque pro eorum dote bona quaecumque illis eroganda, & relinquenda perpetuo applicamus, & appropriamus.

E c

§.3. Ac

1543.
Instituto Archiconfraternitatis in dicto Hospitali.

§.3. Ac in Monasterio, & Hospitali prædictis unam Archiconfraternitatem, quæ caput omnium aliarum Confraternitatum, & Hospitalium, & Monasteriorum, & aliorum quorumcumque locorum, eorundem Judæorum, & Hebræorum, & Infidelium converforum ubilibet institutarum, & instituendarum Confraternitatum, crectorum, & erigendorum Monasteriorum, Hospitalium, & locorum Judæorum, & Hebræorum hujusmodi immediate subicimus, & facimus membra ab eis dependentia. Ita quod Confraternitates, Monasteria, Hospitalia, & loca illis subiecta ab eis dependentia hujusmodi ipsam Confraternitatem uti illorum in aliqua saltem reverentia singulis annis cognoscere teneantur. Cujus Archiconfraternitatis præfatus Joannes quoad vixerit, & eo vita functo, unus ex Confratribus Clericis per eos tantum de triennio in triennium eligendus, caput seu Rector, Præpositus nuncupandus, ac duodecim Clerici, seu Presbyteri sæculares, exemplaris vitæ, & Religionis zelatores, quos præfatus Joannes, ac ipsius Confraternitatis Præpositus pro tempore existens duxerit eligendos, esse debeant, erigimus, & instituimus, & quod de numero eorundem Clericorum, seu Presbyterorum Confratrum nullus Prælati, seu alicujus Ordinis professor esse possit. Ipsique Clerici, seu Presbyteri, Joanni ac pro tempore existenti Præposito prædicto, omnimodam, & plenariam obedientiam, & reverentiam uti eorum superiori præstare, illumque in cura, & administratione Monasterii, & Hospitalis prædictorum coadjuvare, ipsique duodecim Presbyteri, seu Clerici, ut circa præmissa liberius attendere valeant, nulli alteri Confraternitati, seu societati aggregari, seu ad illam admitti valeant: Ac præfatus Joannes vita functo, Præpositus Archiconfraternitatis hujusmodi per Confratres prædictos Clericos tantum de triennio in triennium ex eorum gremio eligi, eorumque officium per triennium, & non ultra durare debeat.

Ad eius gubernium, & eorum infidelium se convertentium.

§.4. Et ipsi Confratres quoscumque Judæos, seu Hebræos, & Infideles quoscumque ad fidem Catholicam converti volentes, recipere, illisque victum, & vestitum ex ipsius Hospitalis bonis assignare; & ipsi Judæi, seu Hebræi, & Infideles quicumque ante ejus conversionem per unum, seu aliud tempus, de quo eidem Præposito videbitur, in ipso Monasterio, & Hospitali Cathæcumeni manere, ac in dicta Ecclesia uti eorum Parochia, Missas, & alia divina officia audire, & Dominico, & aliis festivis diebus solemnibus in ipsa Ecclesia ad effectum audiendi verbum divinum accedere teneantur, & nulla secularis, seu cuiuscumque dignitatis, status, gradus, Ordinis, vel conditionis existens, & quavis auctoritate fungens persona, in Monasterio, & Hospitali prædictis, illorumque bonis, & rebus, atque administratione absque Confratrum prædictorum expresso consensu se intromittere, aut in illis aliquam auctoritatem, seu jurisdictionem exercere possit, & valeat.

Et si pro tempore contigerit, quod in ipsi Monasterio, & Hospitali, caritatis opera non exercentur, illorum fructus Archiconfraternitati Incurabilium S. Jacobi in Augusta eo ipso applicata sint, & esse censeantur, ipsumque Archiconfraternitatis, illiusque Rectoris, seu Guardiani bonorum prædictorum fructus, redditus, & proventus, uti eorum, & dicti Archiconfraternitatis S. Jacobi bona percipere, ac de illis in illius pauperum, & non alios usus disponere libere, & licite valeant, nec ad id desuper per quoscumque molestari, perturbari, aut inquietari possint, eisdem auctoritate, & tenore etiam perpetuo statuimus, & ordinamus. Necnon eidem Joanni, mappas, tovalias, & reliqua altarium paramenta sacerdotalia, & vestimenta quæcumque necessaria benedicendi licentiam, & facultatem similiter concedimus.

§.5. Necnon Confratribus Monasterii, Hospitali construendo, ac Ecclesie prædictis, illorumque administratoribus, gubernatoribus, rectoribus, œconomis, servitoribus, familiaribus, ministris, & conversis, ac aliis personis in eis pro tempore existentibus, seu aliquam curam de illis, ac Hospitalis, & Monasterii prædictorum fabrica habentibus, necnon personis inibi pro tempore decedentibus, seu aliquid de bonis suis pro dictis operibus relinquendis, quod omnibus, & singulis privilegiis, exemptionibus, libertatibus, immunitatibus, Indulgentiis, etiam plenariis, ac peccatorum remissionibus, & aliis gratis spiritualibus Imagini S. Salvatoris de Sancta Sanctorum, & Caritatis, ac eidem Archiconfraternitati S. Jacobi in Augusta, & S. Spiritus Hospitalibus, ac Corporis Christi, & Sacramenti, ac Campi Sancti, & aliis Confratribus Confraternitatum de Urbe, necnon eisdem Imagini, & Hospitali Sancti Spiritus, ac Campo Sancto necnon Fabricæ Basilicæ Principis Apostolorum de Urbe, illiusque deputatis, eorumque necnon B. Mariæ de Populo, & Consolationis, ac S. Joannis Baptiste Florentinorum, aliusque ejusdem Urbis Ecclesiis, ac illa, & illas visitantibus, vel beneficentibus, eorumque administratoribus, & guardianis, Rectoribus, œconomis generalibus, aliis personis similem curam in eis sumentibus, ac Judæis, & conversis, ac quibuscumque eorum etiam per Nos, & quoscumque Romanos Pontifices Prædecessores nostros, & Successores, ac Sedem eandem concessis, & concedendis, (quæ omnia, & literas desuper confectas haberi volumus pro expressis,) & quibus illi, & illa utuntur, potiuntur, & gaudent, ac uti, potiri, & gaudere poterunt quomodolibet in futurum, Archiconfraternitas, illiusque Confratres Monasterium construendum, Hospitali, Ecclesia, illorumque administratores, rectores, familiares, ministri, œconomis, & alia persona similem curam inibi sumentes, & illa visitantes, ac eis beneficentes, ex nunc, & in perpetuum utuntur, potiuntur, & gaudent, uti, potiri, & gaudere libere, & licite valeant in omnibus, & per omnia, perinde ac si

Confratribus, & beneficentibus gratias, & Indulgentias concedit.

ac si Monasterio, & Hospitali, ac Ecclesia, & Confratribus prædictis, illorumque rectoribus, administratoribus, gubernatoribus, œconomis, servitoribus, familiaribus, ministris, & conversis, ac aliis personis, ac illa visitantibus, & beneficentibus pro tempore specialiter & expresse concessa fuissent, & in futurum, concederentur. Necnon Presbyteris prædictis, qui in Monasterio, seu Hospitali, aut Ecclesia prædictis quocumque anni tempore celebraverint, & pro quibus iidem Presbyteri inibi celebraverint, & oraverint, eisdem Indulgentias, & peccatorum remissiones, quæ celebrantibus in Scala Cœli nuncupata, Monasterium Trium Fontium extra muros Urbis Cisterciensis Ordinis, cum Capella in Præsepe Domini, sita in Ecclesia B. Mariæ Majoris de Urbe, ac animabus pro quibus inibi iidem Presbyteri celebraverint, & oraverint, eisdem auctoritate, & tenore concedimus, & indulgemus, ac Indulgentias, privilegia, indulta, exemptiones, immunitates, & alias concessiones, ac remissiones hujusmodi, ad illos, illas, & illa extendimus, & prorogamus, ac ampliamus. Et quod Joannes, ac pro tempore præpositus, & administrator, rector, gubernator, œconomus, servitores, familiares, ministri, & conversi, ac alia persona præfata Indulgentias, gratias, privilegia, indulta, exemptiones, immunitates, libertates, & alias concessiones, & remissiones hujusmodi, ac dies, & festa, in quibus, ac causas propter quas illa consequi debeant ad eorum beneficium publicare facere. Necnon elemosynas Monasterio, & Hospitali, ac conversis, seu alias concedendas recipere, & ad illas recipiendas, & querendas, ac Indulgentias hujusmodi publicandas per dictam Urbem, & alibi eisdem Presbyteros, seu Clericos, aut alios questores, seu quoscumque alias personas, cuiusvis licentia minime requisita, deputare, & mittere. Et Joannes, ac eo vita functo pro tempore Præpositus prædictus quæcumque statuta, & ordinationes, licita, & honesta tamen, tam circa regimen, & tranquillum statum Monasterii, Hospitalis, Confratrum, Presbyterorum, Judæorum, Hebræorum, & conversorum, ac divinorum celebrationem, quam munerum, & qualitates, & rates Cappellanorum, Confratrum, ac ministrorum, & habitum Judæorum, ac conversorum prædictorum, eorumque personas, & Monasterii, & Hospitalis prædictorum ornamenta, ac bona, mobilia, & immobilia, eorumque administrationes, & alia præmissa concernentia condere, & alterare, mutare, ac de novo edere, quæ postquam condita, alterata, mutata, & reformata fuerint, eo ipso Apostolica auctoritate confirmata sint, & esse censeantur, ac quascumque penas in contravenientes apponere.

Personis Archiconfraternitatis, Hospitalis, & Monasterii, Confessorem eligendi con-

§.6. Ac quilibet Confrater, minister, seu officialis, & persona Archiconfraternitatis, Monasterii, & Hospitalis hujusmodi quemcumque Presbyterum sæcularem in suum possint eligere Confessorem, qui eos, Bull. Rom. Tom. IV. Part. I.

& eorum quemlibet, a quibuscumque causibus quantumcumque gravibus, etiam in quinquagesimo Cancellariæ Apostolicæ in dictis literis expressis, ac confessionale, & altare portatile juxta formam, & literas prædictas habere possint, licentiam, & facultatem concedimus, & indulgemus.

§.7. Ac ut ipsi Confratres, & Rectores, administratores, œconomis, & alia persona ab indebitis molestiis releventur, unum ex S. R. E. Cardinalibus, quem ipsi ad id duxerint admittendum, seu eligendum, in eorum Protectorem, & Judicem, cui, & nulli alii subiecti existant, & coram quo seu ab eo deputando quævis, tam civiles, quam criminales causæ, per, & contra Archiconfraternitatem, illorum administratores, rectores, gubernatores, ministros, familiares, œconomos, & alias personas præfatas super bonis, & rebus cuiuscumque qualitatis existentibus, ad Archiconfraternitatem, Monasterium, & Hospitali prædicta pertinentibus motæ, & pro tempore movendæ, & juxta ordinariam jurisdictionem, seu facultatem Curie causarum Camere Apostolicæ generali Auditori attributam, cum omnibus, & singulis earum incidentibus, dependentibus, annexis, & connexis, cognoscere, ac sine debito terminare valeat, & debeat, constituimus, & deputamus. Ipseque pro tempore Protector, per se, vel alium, seu alios quoscumque, quorum intererit, vel interesse poterit, tam in Romana Curia, quam extra eam, etiam per edictum publicum, confito sibi summarie, & extrajudicialiter de non tuto accessu, ac quibusvis etiam in dicta Curia iudicibus, & personis, quibus, & quoties sub sententiis, censuris, & pœnis Ecclesiasticis, ac etiam pecuniariis, de quibus eidem Protectori videbitur, inhibendi, & in eventum non partitionis ad declarationem incurfus censurarum, & pœnarum hujusmodi, illarumque aggravationem, ac alias juxta stylum, & morem Curie dicti Auditoris in similibus servari solitum procedendi, ac sententias executioni debitæ demandandi, seu demandari faciendi. Contradictores quolibet, & rebelles per sententias, censuras, & pœnas Ecclesiasticas appellatione postposita compescendo, invocato etiam ad hoc, si opus fuerit, auxilio brachii secularis, ac omnia, & singula alia in præmissis, & circa ea quomodolibet necessaria, & opportuna faciendi, & exequendi plenam, & liberam licentiam, & facultatem concedimus.

Protectori, & Judici, causas eorum cognoscendi, jurisdictionem tribuit.

§.8. Decernentes præfatas literas, ac Indulgentiam infra scriptam, sub quibusvis revocationibus, suspensionibus, modificationibus, limitationibus, restitutionibus, repositionibus, & exceptionibus similium literarum, gratiarum, & Indulgentiarum, etiam per Nos, & Successores nostros Romanos Pontifices, ac Sedem eandem, vel ejus Legatos, ac etiam per regulas Cancellariæ Apostolicæ pro tempore factas, etiam in favorem Fabricæ Apost. Principis de Urbe, & expeditionis contra Infideles nullatenus comprehensas, sed semper ab illis, E c 2 & om-

Clausula hujus concessionis præservativa.

1543.

& omnino exceptas esse, & cenferi, & quoties illa emanabunt, toties in pristinum statum restitutas, & reintegratas fore, ac eisdem presentibus literis per quascumque literas, & quasvis clausulas, generales, vel speciales etiam derogatorias, efficaciores, & insolitas, ac etiam irritantia decreta sub quacumque verborum expressione in se continententes nullatenus derogari posse, nisi tenor illarum de verbo ad verbum nihil penitus omisso infertus, & huiusmodi derogationes consistorialiter etiam per trinas distinctas literas eundem tenorem continentes, tribus similiter distinctis vicibus Praeposito, Confratribus, Administratoribus praedictis legitime intimatae, & insinuate fuerint, eorumque expressus ad id accedat assensus, & aliter facta derogationes nemini suffragari.

Decretum irritans.

§.9. Sicque per quoscumque Iudices, & personas, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, irritum quoque, & inane quicquid fecus super his a quoquam quavis auctoritate scienter, vel ignoranter contigerit attentari.

Alia Indulgentia pro Coenae fratribus.

§.10. Et nihilominus de omnipotentis Dei misericordia, ac Beatorum Petri, & Pauli Apostolorum ejus auctoritate confisi, universis, & singulis ejusdem Archiconfraternitatis Confratribus pro tempore existentibus vere poenitentibus, & confessis, seu confitendi propositum habentibus, qui in ejusdem S. Joseph, & Nativitatis D. N. Jesu Christi, seu alius per eisdem Praepositum, rectores, administratores, & gubernatores ad id nominandis festis, seu diebus a primis vespers usque ad occasum solis sequentis diei, Monasterium, & Hospitale, ac Ecclesiam huiusmodi devote visitaverint, & pro praemissis operibus manus adjuvantes juxta eorum arbitrium porrexerint, plenariam omnium peccatorum suorum Indulgentiam, ac Jubilaeum, & remissionem in Domino largiamur.

Deputatio executorii huius Constitutionis.

§.11. Mandantes nihilominus dilectis filiis Curiae causarum Camerae Apostolicae generali Auditori, aliisque in dignitate Ecclesiastica constitutis personis, necnon Metropolitanarum, & aliarum Cathedralium Ecclesiarum Canonicis, ac venerabilium fratrum nostrorum Archiepiscoporum, & Episcoporum Vicariis in spiritualibus generalibus, & officialibus ubilibet constitutis, quateus ipsi, vel duo, aut unus eorum, per se, vel alium, seu alios praesentes literas, & in eis contenta quaecumque, ubi, & quando opus fuerit, ac quoties pro parte Joannis, ac pro tempore existentis Praepositi, & administratoris, rectoris, & gubernatoris praedictorum, seu alicujus eorum desuper fuerint requisiti, solemniter publicantes, ac eis in praemissis efficacis defensionis praesidio assistentes, faciant auctoritate nostra, eos & eorum quemlibet, ac alios quos praesentes literae concernunt, illis pacifice frui, & gaudere &c.

§.12. Non obstantibus de non conce-

denis Indulgentiis ad instar, ac aliis Apostolicis, necnon in Provincialibus, & synodalibus Conciliis editis, generalibus, vel specialibus Constitutionibus, & Ordinationibus, ceterisque contrariis quibuscumque.

§.13. Volumus autem, quod praesentium literarum, ac privilegiorum, indulgentiarum, exemptionum, Indulgentiarum, ac aliarum huiusmodi transumptis manu alicujus Notarii publici subscriptis &c.

Nulli ergo, &c. Si quis, &c.
Dat. Romae apud S. Petrum, Anno Incarnationis Dominicae, millesimo quingentesimo quadragesimotertio, 11. Kalend. Martii, Pont. nostri Anno IX.

1543. Derogatio contrarium

Fides exemplorum.

D. P. An. IX. die 19. Febr.

XLV.

De electione Prioris generalis, & aliorum Priorum Congregationis Monachorum Silvestrinorum Ordinis S. Benedicti, ad triennium tantum, ejusque auctoritate circa regimen d. Congregationis.

Istam Congregationem approbavit Innoc. IV. sup. in sua Const. XII. Religiosam Tom. III. Part. I. fol. 308. Et eidem communicavit privilegia omnium Mendicantium, Paulus V. die 23. Novembris 1606. Constituit. quae incipit Sanctorum.

PAULUSEPISCOPUS SERVUS SERVORUM DEI

Ad perpetuam rei memoriam.

Exposit debitum Pastoralis officii, cui disponente Domino praesidemus, ut ad ea solcite intendamus, per quae Monasteria, & alia Religiosa loca, per nostrae operationis ministerium salubriter dirigantur, & in eis regularis disciplina normam servetur, ac omnis bene vivendi institutio cum aeterna vitae praemio salubriter adimpleatur.

Exordium.

§.1. Exhibita siquidem Nobis nuper pro parte dilectorum filiorum Hieronymi Pacifici de Saxoferrato Monachi, & universorum modernorum Definitorum Ordinis S. Benedicti, Congregationis Silvestrinorum, ac Priorum, & Rectorum Prioratum, & Beneficiorum eorumdem Ordinis, & Congregationis, petitio continebat. Quod alias Prioratu Eremiti Montisfani Camerinae Diocesis eorumdem Ordinis, & Congregationis tunc certo modo vacante, tunc Definitorum, Priores, & Rectores Prioratum, & Beneficiorum praedictorum, aut eorum major pars Romae in praesentia vener. fratris nostri Jo. Dominici Episcopi Ostien. ipsius Congregationis Protectoris, de mandato nostro capitulariter super hoc congregati, praefatum Hieronymum Ordinem ipsum expresse professum, in eorum, & dicti Prioratus Priorem ad ejus vitam, juxta privilegia, & indulta Apostolica, illis seu eorum Ordini desuper concessa, aut alias elegerunt, & deputarunt, ac forsitan alias, & alia fecerunt, prout in eorum patentibus literis desuper confectis dicitur plenius contineri, &

Congregatio in Priorem generalem elegit Hieronymum Pacificum ad ejus vitam.

1543.

ipseque Hieronymus postmodum electionis, & deputationis huiusmodi vigore, ipsius Prioratus possessionem forsitan assecutus fuit.

Sed postea utilior vis fuit electio ad triennium dicti Prioris, cuj prohibitione reeligendi durantiibus aliis duobus trienniis.

§.2. Cum autem sicut eadem petitio sub-
jungebat a nonnullis de viribus electionis huiusmodi haesitetur, & asseratur Prioratum ipsum forsitan alias quam ut praemittitur, vacavisse, & vacare, & si electio, & deputatione praedictae ad triennium revocarentur, & reducerentur, ac illa quoad triennium tantum approbarentur, & confirmarentur, ac in dicto Prioratu, qui conventualis existit, & cujus Prior pro tempore existens, perpetuus, & generalis Ordinis, & Congregationis praedictorum esse consuevit, titulus perpetui Prioris supprimeretur, & extingueretur, ac ille per Priorem triennalem regeretur, & gubernaretur, ac quod praefati Definitorum, Priores, & Rectores in dicto eorum Capitulo generali ad hoc propterea celebrando, unum religiosum ejusdem Ordinis, Ordinem ipsum expresse professum, quem pro ipsius Ordinis prosperis successibus utiliore fore putarent, in Priorem generalem dicti Prioratus de triennio in triennium eligere possint. Ita quod sic electus lapsus huiusmodi triennio reeligere non possit, donec duo alia triennia elapsa forent. Quodque Priores, & Rectores Prioratum, & aliorum beneficiorum Ordinis, & Congregationis huiusmodi, ultra triennium in eisdem Prioratibus, & beneficiis per eisdem Capitulum confirmari non possint, statueretur, & ordinaretur, & hoc profecto feliciori Ordinis, & Prioratum, & Beneficiorum eorumdem, necnon illorum personarum statui, in spiritualibus, & temporalibus salubriter consuleretur, & praedictus Ordo augmentum cum animarum salute susciperet.

Idoque Congregatio supplicavit huic Pontifici pro opportuna provisione.

Qui propterea de electione Hieronymi ad triennium reduci.

§.3. Quare pro parte dictorum modernorum Definitorum, Priorum, & Rectorum Nobis fuit humiliter supplicatum, ut pro ipsius Ordinis salubri directione super his opportune providere de benignitate Apostolica dignaremur.

§.4. Nos igitur qui Monasteriorum omnium, & in illis Domino famulantium personarum salubrem statum, & regularis observantiae augmentum sinceris exoptamus affectibus, eosdem modernos Definitorum, Priores, Rectores, ac eorum singulos a quibusvis excommunicationis, suspensionis, & interdictionis, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, verumque, & ultimum dicti Prioratus vacationis modum, etiam si ex illo quavis generalis reservatio, in corpore juris clausa, resultet pro expressis habentes, huiusmodi supplicationibus inclinanti, electionem, & deputationem in Priorem generalem praefati Prioratus de dicto Hieronymo ad vitam factas praedictas ad triennium, ita quod finito triennio, idem Hieronymus ab huiusmodi Prioratus, & Generalatus officio, libere amoveri possit, au-

thoritate Apostolica tenore praesentium revocamus, reducimus, illasque sic revocatas, & reductas, ac prout illas concernunt, omnia, & singula alia in dictis literis contenta, & inde secuta quaecumque, licita tamen, & honesta, quo ad huiusmodi triennium dumtaxat, ex certa scientia approbamus, & confirmamus, ac illis plenum firmitatis robur adicimus.

§.5. Et nihilominus eundem Hieronymum in Priorem dicti Prioratus ad triennium dumtaxat constituimus, & deputamus, necnon in dicto Prioratu, cujus fructus, redditus, & proventus ad sexaginta tres florenos auri in libris Camerae Apostolicae taxari reperiuntur, nomen, & titulum perpetui Prioris, ita quod numquam illius nisi ad effectum triennalis electionis vacatio occurrat, etiam ex nunc perpetuo penitus, & omnino, auctoritate, & tenore praedictis, supprimimus, & extinguiamus, ac suppressa, & extincta esse, & cenferi.

§.6. Et propterea annatam dicti Prioratus occurrente illius pro tempore vacatione. Camerae Apostolicae, aut quibusvis aliis debitam, nisi de quindecim annis, in quindecim annos minime solvi, & ipsius Prioratus pro tempore existentes Priores ad illius solutionem, alias quam ut praefertur, non teneri, nec ad id cogi, aut propterea aliquibus censuris innodari posse, & debere decernimus.

§.7. Necnon quod de cetero perpetuis futuris temporibus Prioratus ipse per Priorem triennalem dumtaxat, per solam Capituli huiusmodi electionem de triennio in triennium deputandum, regatur, & gubernetur, ac regi, & gubernari debeat.

§.8. Quodque huiusmodi electio postquam per Capitulum praefatos facta fuerit, Apostolica auctoritate approbata, & confirmata sit, & esse censetur eo ipso, nullusque inibi in Priorem ultra triennium eligi, aut deputari possit, sed is qui uno triennio in Priorem ipsius Prioratus praefuerit: ultimo ipsius triennii die Prior esse designat, ac in eisdem Prioratus Priorem immediate de novo per ipsos Capitulum, reeligere seu reassumere non possit, donec duo triennia elapsa sint, & si ante illorum lapsum eligatur, electio huiusmodi nulla sit. Et nihilominus sic scienter eligentes, sententiam excommunicationis incurrant, nec etiam ipsum triennium prorogari valeat.

§.9. Quodque praefatus Hieronymus, & alii dicti Prioratus Priores taliter electi, & confirmati, durante triennio, ac Prioratus, & illius Conventus huiusmodi, omnibus, & singulis, potestate, auctoritate, & facultate, etiam conferendi beneficia, & officia, ac immunitatibus, exemptionibus, libertatibus, honoribus, privilegiis, indulgentiis, praerogativis, gratiis, favoribus, & indultis, in spiritualibus, & temporalibus, quibus alii perpetui ejusdem Prioratus Priores, qui pro tempore fuerunt, uti, potiri, & gaudere poterunt, seu etiam debuerunt, ac possent, & deberent quomodolibet in futurum, uti potiri, & gaudere, ipseque pro tem-

1543.

Et ad triennium iteraro illum deputat.

Annatamque de d. Prioratu de quindecim in quindecim annis Camerae Apostolicae solvi jubet.

Prioratum triennio confirmi decernit.

Electionem Prioris ad Capitulum generale remittit prohibens reeligere in Priorem durante secundo successive triennio.

Auctoritatem Prioris durante triennio totalem esse affirmat.